

---

Sarajevo 30.10.2015. godine  
Broj: I- 083/15

**VLADA FEDERACIJE BiH**  
**MINISTARSTVO ZA RAD I SOCIJALNU POLITIKU FBIH**  
Gosp. Vesko Drljača, ministar

**Predmet: Zahtjev za utvrđivanje reprezentativnosti Udruženja poslodavaca FBIH**

Poštovani,

Molimo Vas da shodno članu 128. i članu 130. Zakona o radu („Sl.novine FBiH“ broj:62/15) utvrdite reprezentativnost Udruženja poslodavaca u FBiH za:

- zaključivanje Općeg kolektivnog ugovora za teritoriju Federacije BiH (član 138.stav 1. ZoR);
- zaključivanje granskih kolektivnih Ugovora za područje FBiH (član 138. stav 2. ZoR);
- učešće u Ekonomsko-socijalnom vijeću za teritoriju FBiH (član 158. ZoR);
- učešće u svim bipartitnim i tripartitnim tijelima na nivou Federacije BiH (član 131. stav 1. tačka c);
- zaključivanje kolektivnih ugovora i učešće u ekonomsko-socijalnim vijećima u sljedećim kantonima (član 128. stav 4.):
  - a) Kanton Sarajevo,
  - b) Zeničko-dobojski kanton,
  - c) Srednjo- bosanski kanton,
  - d) Tuzlanski kanton,
  - e) Unsko-sanski kanton,
  - f) Hercegovačko-neretvanjski i
  - g) Zapadno-hercegovački kanton.

### Obrazloženje

Udruženje poslodavaca u Federaciji BiH (u daljem tekstu: Udruženje) je osnovano i upisano u Registar Udruženja kod Ministarstva pravde FBiH pod registarskim brojem 567 Knjiga I Registra dana 14.02.2002. godine broj 04-06-1-457/02 i na taj način ispunjava uslov iz člana 128. stav 1. tačka a. ZoR-a. Promjene upisane u registar su izvršene 12.04.2002, 11.09.2002, 11.06.2003, 09.10.2008, 23.08.2012, 21.10.2014. i 03.09.2015. godine (dokaz: ovjerene kopije Rješenja u Prilogu 1).

Udruženje ima 25 357 pojedinačnih i kolektivnih članova (broj članova se stalno mijenja naročito kod kolektivnih članova). Članovi Udruženja zapošljavaju preko 100 000 zaposlenih u Federaciji Bosne i Hercegovine, što iznosi više od 36 % od ukupnog broja zaposlenih u realnom sektoru na teritoriju Federacije BiH i na taj način je ispunjen uslov za reprezentativnost iz člana 128. stav 1. tačka b. ZoR-a. (Dokaz: Izjava u prilogu)

Udruženje je dobrovoljna, nezavisna i neprofitna organizacija poslodavaca koja se finansira isključivo iz članarine i projekata i na taj način ispunjava uslov za utvrđivanje reprezentativnosti iz člana 128. stav 1. tačka c. ZoR-a. (Dokaz: Bilans uspjeha UPFBiH za 2014.godinu u prilogu).

Na osnovu Statuta, unutar Udruženja formirane su grupacije poslodavaca po osnovu djelatnosti i po teritorijalnom principu, kao organizacione jedinice koje nemaju svojstvo pravnog lica. Trenutno unutar Udruženja formirane su i djeluju:

- Grupacija poslodavaca za djelatnost prevoza u drumskom saobraćaju,
- Grupacija poslodavaca za djelatnost metalne industrije i energetike,
- Grupacija poslodavaca za djelatnost tekstila, obuće i kože,
- Grupacija poslodavca za djelatnost drvne industrije,
- Grupacija poslodavaca za djelatnost finansijskog poslovanja,
- Grupaciju poslodavca za djelatnost građevinarstva,
- Grupacija poslodavca za djelatnost trgovine,
- Grupacija poslodavaca za djelatnost telekomunikacija;
- Grupacija poslodavac za djelatnost prehrambene industrije;
- Grupacija poslodavaca za djelatnost hotelijerstva, turizma i ugostiteljstva;
- Grupacija poslodavaca za područje SBK,
- Grupacija poslodavaca ZE-DO kantona,
- Grupacija poslodavaca za područje Unsko-sanskog kantona,
- Grupacija poslodavca za područje Zapadno-hercegovačkog kantona i
- Grupacija poslodavca za područje Tuzlanskog kantona.

Grupacije se prvenstveno osnivaju radi pregovaranja i zaključivanja kolektivnih ugovora, te radi zastupanja specifičnih interesa poslodavaca iz različitih djelatnosti. Navedene Grupacije poslodavaca su organizacione jedinice Udruženja poslodavaca u FBiH i djeluju na osnovu svojih Poslovnika o radu i na taj način su reprezentativne u smislu član 128. stav 4. ZoR-a.

Kolektivne članice Udruženja poslodavca koje djeluju unutar Udruženja i imaju svojstvo pravnog lica su:

- Udruženje poslodavaca za djelatnost komunalne privrede FBiH,
- Udruženje poslodavaca za djelatnost grafičke industrije FBiH,
- Udruženje poslodavca za djelatnost nafte, hemije i nemetala FBiH i
- Udruženje poslodavca Sarajevskog kantona.

Također, bitno je napomenuti da je Udruženje poslodavaca u Federaciji Bosne i Hercegovine jedina organizacija poslodavaca na nivou Federacije BiH i jedino registrovano udruženje poslodavaca na nivou Federacije BiH čime ispunjava uslov za reprezentativnost iz člana 128. stav 1. Zakona o radu.

Udruženje od 2002. godine učestvuje u radu Ekonomsko socijalnog vijeću za teritoriju Federacije BiH kao najvišeg institucionalnog oblika za vođenje tripartitnog socijalnog dijaloga i potpisnik je Sporazuma o osnivanju Ekonomsko-socijalnog vijeća za teritoriju FBiH. Od posebnog je značaja to što Udruženje poslodavaca u FBiH na osnovu Zakona o radu ima legitimno pravo da učestvuje u pregovaranju i zaključivanju kolektivnih ugovora. Zajedno sa Vladom FBiH i SSSBiH 2005. godine UPFBiH je zaključilo Opći kolektivni ugovor za teritoriju Federacije BiH („Sl. novine FBiH“ br. 54/05), kao i Kolektivni ugovor o izmjenama i dopunama Opšteg kolektivnog ugovora za teritoriju FBiH („Sl. novine FBiH“ broj 62/08).

UPFBiH je također, zajedno sa resornim ministarstvima i granskim sindikatima, zaključilo nekoliko granskih kolektivnih ugovora. Do sada UPFBiH je zaključilo Kolektivni ugovor o pravima i obavezama poslodavaca i zaposlenika za djelatnost proizvodnje i prerade metala u Federaciji Bosne i Hercegovine („Sl. novine FBiH“ broj 77/06), Kolektivni ugovor o pravima i obavezama poslodavaca i zaposlenika u oblasti prometa za teritoriju Federacije Bosne i Hercegovine („Sl. novine FBiH“ broj 71/07), Kolektivni ugovor za djelatnost tekstilne, kožarsko-prerađivačke i gumarske industrije u Federaciji Bosne i Hercegovine („Sl. novine FBiH“ broj 02/08 ), Kolektivni ugovor o pravima i obavezama poslodavaca i zaposlenika u oblasti komunalne privrede za teritoriju FBiH, Kolektivni ugovor o pravima i obavezama poslodavaca i zaposlenika u oblasti grafičko-izdavačke i medijske djelatnosti („Sl. novine FBiH“ broj 48/08) te Kolektivni ugovor za granu finansija za teritoriju FBiH („Sl. novine FBiH“ 29/14).

Shodno Statutu Udruženja poslodavaca osobe ovlaštene za zastupanje Udruženja su predsjednik i direktor. Za obavljanje administrativnih i stručnih poslova Udruženje ima stručnu službu koju čini direktor i stručno osoblje. Trenutno Udruženje ima ured sa 5 profesionalno uposlenih osoba.

Shodno navedenom molimo Vas da na osnovu dostavljenje dokumentacije o ispunjavanju uslova iz člana 128. Zakona o radu utvrdite reprezentativnost udruženja poslodavaca.

S poštovanjem,

Prilog:- ovjerene kopije Rješenja o upisu u registar

- Izjava Direktora UPFBiH
- ovjerena kopija Bilansa uspjeha UPFBiH za 2014. godinu

